



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE

Numri i lëndës: 2019:211467

Datë: 10.11.2023

Numri i dokumentit: 04903460

P.nr.3374/18

NË EMËR TË POPULLIT

GJYKATA THEMELORE NË PRISHTINË-Departamenti i Përgjithshëm, me gjyqtarin e vetëm gjykues Dibran Jusufi, me praktikanten Rita Bytyqi, në çështjen penale kundër të akuzuarve K.K. dhe F.K. për shkak të veprës penale Posedimi i paautorizuar i narkotikeve i substancave psikotrope ose analoge nga neni 275 paragrafi 1 të KPRK-së, duke vepruar sipas aktakuzës së Prokurorisë Themelore në Prishtinë-Departamenti i Përgjithshëm, me numër PP.II.nr.614/2018 të datës 07.08.2018, pas mbajtjes së shqyrtimit fillestar me datë 07.11.2023, të hapur për publikun, në prani të prokurorit të shtetit Eset Rama dhe të akuzuarve K.K. dhe F.K., me datë 09.11.2023 morri dhe publikisht shpalli, ndërsa me datë 10.11.2023 me shkrim e përpiloi këtë:

AKTGJYKIM

Të akuzuarit:

K.K., nga babai S..., nëna B..., e gjinisë B..., i lindur me, ne, ku edhe tani banon në rrugën "....", nr....., i pamartuar, i punësuar si kamarier, ka të përfunduar shkollën e mesme, i gjendjes se dobët ekonomike, shqiptar, Shtetas i Republikës se Kosovës, me numër personal, dhe

F.K. nga babai S..., nëna B..., e gjinisë B..., i lindur me, ne, ku edhe tani banon në rrugën "" nr....., i martuar, i punësuar si kuzhinier, ka të përfunduar shkollën e mesme, i gjendjes se dobët ekonomike, shqiptar, Shtetas i Republikës se Kosovës, me numër personal,

JANË FAJTOR

Sepse me datë 22.01.2018, rreth orës 18:50, në rrugën "Bajram Bahtiri", në Prishtinë, të pandehurit K.K. dhe F.K. kishin mbajtur pa autorizim në posedim substancë narkotike e llojit

Kanabis (Mariuhanë) që përmban Tetrahidrokanabinol (THC) dhe atë Kujtim Kasniqit i'u gjetë substanca me peshë neto prej 3.8 gram, ndërsa F.K. me peshë 10.3 gram ashtu që gjatë kontrollit të automjetit “.....” me targat nga ana e policisë, të pandehurve i ishte gjetur në posedim substanca e lartcekur të cilën e kishin mbajtur në qese të plastikës.

-Me këtë secili nga të akuzuarit veç e veç e ka kryer veprën penale Posedimi i paautorizuar i narkotikëve, substancave psikotrope ose analoge nga neni 275 par. 1 të KPRK-së

andaj, gjykata në bazë të nenit 4, 41, 42, 43, 46, 49, 50, 51, 52, 73 dhe 74 të KPRK-ës dhe neneve 242 e 364 të KPP-ës, të akuzuarve:

I CAKTON

I. Të akuzuarit K.K. dënim me burgim në kohëzgjatje 6 (gjashtë) muajve i cili dënim nuk do të ekzekutohet nëse i akuzuari brenda periudhës prej 1 (një) viti nuk kryen veprë tjetër penale, si dhe dënim me gjobë në shumën prej 500€ (pesëqind euro), të cilin dënim obligohet ta paguaj brenda afatit kohor prej pesëmbëdhjetë (15) ditëve nga dita kur ky aktgjykim të bëhet i plotfuqishëm.

II. Të akuzuarit F.K. dënim me burgim në kohëzgjatje 6 (gjashtë) muajve i cili dënim nuk do të ekzekutohet nëse i akuzuari brenda periudhës prej 1 (një) viti nuk kryen veprë tjetër penale, si dhe dënim me gjobë në shumën prej 300€ (treqind euro), të cilin dënim obligohet ta paguaj brenda afatit kohor prej pesëmbëdhjetë (15) ditëve nga dita kur ky aktgjykim të bëhet i plotfuqishëm.

III. Nëse të akuzuarit nuk dëshirojnë, nuk munden ose nuk janë në gjendje ta paguajnë dënimin me gjobë atëherë dënimi me gjobë do t'iu zëvendësohet në dënim me burgim në atë mënyrë që për çdo 20 € (njëzet euro) do t'iu caktohet një ditë burgim.

IV. Në bazë të nenit 275 paragrafi 3 i KPRK-ës ndaj të akuzuarve konfiskohet substanca narkotike e llojit “Kanabisë - Marihuan”, me peshë 3.8 gram dhe 10.3 gram. Pas plotfuqishmërisë së këtij aktgjykimi, kjo sasi e substancës narkotike duhet të shkatërrohet nga Policia e Kosovës, në bashkëpunimin me institucionet tjera relevante, sipas procedurave standarde në fuqi.

V. Obligohen që secili nga të akuzuarit e lartcekur në paguajë paushallin gjyqësor në shumë prej nga 20 (njëzet euro) dhe shumën prej nga 20 (njëzet) euro për kompensimin e viktimave të krimit,

të gjitha këto brenda afatit prej 15 ditëve nga dita kur ky aktgjykim të merr formën e prerë, në kërcenim të përmbarimit të dhunshëm.

A R S Y E T I M

-Rrjedha e procedurës penale-

Prokuroria Themelore në Prishtinë-Departamenti i Përgjithshëm, me datë 08.08.2018, pranë kësaj gjykate, ka paraqitur aktakuzën me numër PP/II.nr.614/18, të datës 07.08.2018, kundër të akuzuarve K. K. dhe F.K. për shkak të veprës penale Posedimi i paautorizuar i narkotikeve i substancave psikotrope ose analoge nga neni 275 paragrafi 1 të KPRK-së.

Me datë 07.11.2023, pranë kësaj gjykate është mbajtur seanca e shqyrtimit fillestar në të cilën ishin prezent prokurori i shtetit Eset Rama dhe të akuzuarit K.K. dhe F.K.. Në këtë seancë prokurori i shtetit ka lexuar aktakuzën lëndore, me ç'rast të akuzuarit kanë deklaruar se e kanë kuptuar në tërësi aktakuzën dhe veprën penale për të cilën akuzohen dhe se secili prej tyre veç e veç e ka pranuar fajësinë për kryerjen e veprës penale e cila iu vihet në barrë me ç'rast gjykata pas dëgjimit të palëve dhe në pajtim me nenin 242 të KPRK-ës, ka marrë aktvendim me të cilin ka pranuar fajësinë nga ana e të akuzuarve.

-Vlerësimi i pranimi të fajësisë-

Gjykata pas mbajtjes së shqyrtimit fillestar në të cilin kanë qenë prezentë palët e lartcekura dhe pas dëgjimit të palëve ka marrë aktvendim me të cilin ka pranuar fajësinë e të akuzuarve për veprën penale për të cilën akuzohen ngase ka konstatuar se janë plotësuar gjitha kushtet ligjore për një gjë të tillë si në kuptim të nenit 242 të KPP-së dhe se pranimi i fajësisë nga ana e të akuzuarve nuk është kundërshtuar nga ana e palëve prezentë. Në këtë aspekt gjykata ka konstatuar se të akuzuarit e kanë kuptuar drejtë natyrën dhe pasojat e pranimi të fajësisë, se pranimi i fajësisë është bërë vullnetarisht, se nuk kanë qenë të detyruar ose të shtrënguar në asnjë mënyrë që të pranojnë fajësinë, se pranimi i fajësisë mbështetet në faktet e çështjes të cilat i përmban aktakuza, e po ashtu me rastin e pranimi të fajësisë nga ana e të akuzuarve gjykata gjeti se aktakuza lëndore nuk përmbajnë asnjë shkelje të qartë ligjore ose gabime faktike.

-Gjendja faktike e vërtetuar-

Gjykata nga të lartcekurat ka vendosur që të akuzuarit ti shpall fajtor për veprën penale Posedim i paautorizuar i narkotikëve, substancave psikotrope dhe analoge nga neni 275 paragrafi 1 të KPRK-së, dhe i ka gjykuar si në pikën I dhe II të dispozitivit të këtij aktgjykimi, pasi që gjeti se

të njëjtit janë penalisht përgjegjës dhe se nuk ekzistojnë rrethana të cilat e përjashtojnë përgjegjësinë penale të të akuzuarve dhe se në veprimet e tyre manifestohen të gjitha elementet subjektive dhe objektive të kësaj vepre penale.

-Rrethanat që janë marrë për bazë me rastin e shqiptimit të dënimit-

Gjykata me rastin e matjes së dënimit ka vlerësuar që të akuzuarve ti shqiptohet si në dispozitiv të këtij aktgjykimi, ngase duke i marrë parasysh të gjitha rrethanat dhe provat të cilat gjinden në shkresat e lëndës, ky dënim do të jetë i drejtë, në harmoni me peshën e veprës penale dhe përgjegjësinë penale të kryeseve dhe si i tillë me këtë dënim mund të arrihen qëllimet e dënimit në kuptim të nenit 41 të KPRK-ës, gjithashtu gjykata me rastin e matjes së dënimit ka marrë për bazë edhe rrethanat që ndikojnë në llojin dhe lartësinë e dënimit duke u bazuar në nenet 73 dhe 74 të KPRK-së, ashtu që rrethanë lehtësuese për të akuzuarin K.K. ka marrë parasysh faktin se i njëjti ka pranuar fajësinë për veprën penale e cila i vihet në barrë në një fazë të hershme të procedurës penale, se i njëjti është penduar, i vjen keq për rastin dhe ka premtuar se nuk do të përsërisë më veprimet të tilla, ndërsa si rrethana rënduese gjykata gjeti rrezikshmërinë shoqërore të kësaj vepre penale si dhe faktin se i akuzuari edhe më parë ka qenë i gjykuar me 3 muaj burg i plotfuqishëm sipas aktgjykimit me numër P.nr.252/18, ndërsa për të akuzuarin F.K. gjykata si rrethanë lehtësuese ka marrë parasysh faktin se i njëjti ka pranuar fajësinë për veprën penale e cila i vihet në barrë në një fazë të hershme të procedurës penale, se i njëjti është penduar, i vjen keq për rastin dhe ka premtuar se nuk do të përsërisë më veprimet të tilla, ndërsa rrethana rënduese gjykata nuk gjeti. Duke u bazuar në të lartcekurat gjykata konsideron se me dënimin e shqiptuar ndaj të akuzuarve mund të arrihen qëllimet e dënimit si në kuptim të nenit 41 të KPRK-ës të cilat konsistojnë në parandalimin e të akuzuarve nga kryerja e veprave penale dhe rehabilitimin e tyre, parandalimin e personave të tjerë nga kryerja e veprave penale, shprehjen e gjykimit shoqëror për veprën penale dhe ngritjen e moralit dhe forcimin e detyrimit për respektimin e ligjit.

-Vendimi lidhur me konfiskim-

Gjykata duke u bazuar në dispozitën e nenit 276 par. 1 dhe 2 të KPP-së, si dhe nenit 275 par. 1 të KPRK-së ka urdhëruar konfiskimin e detyrueshëm dhe të përhershëm të substancës narkotike të llojit “Marihuanë”, me peshë prej 3.8 gram dhe 10.3 gram, e sekuestruar nga të pandehurit. Gjykata, ka vërtetuar se të pandehurit nuk posedonin leje, e as autorizim për posedimin e

narkotikëve, për më tepër, substanca narkotike e lartcekur bënë pjesë në sendet që konfiskohen në mënyra automatike, andaj gjykata ka vendosur të konfiskoj përherë këtë sasi të narkotikëve, si dhe ka urdhëruar shkatërrimin e saj, pasi që ekziston baza ligjore për konfiskimin e përhershëm të substancës narkotike, ashtu siç përcaktohet me nenin 276 të KPP-së dhe nenin 275 par.3 të KPRK-së, që rregullon konfiskimin e detyrueshëm.

-Vendimi mbi shpenzimet e procedurës penale-

Vendimi për kompensimin e shpenzimeve të procedurës penale dhe të paushallit gjyqësor është marrë në bazë të nenit 449 par.2 pika 2.6 të KPPRK-së. Ndërsa, për shpenzimet për programin për kompensimin e viktimave të krimit është marr komfor nenit 36 par.3 nënpar.3.1 të Ligjit Nr. 08/L-109 për Kompensimin e Viktimave të Krimit.

Nga se u tha më lartë u vendos si në dispozitiv të këtij aktgjykimi

GJYKATA THEMELORE NË PRISHTINË

Departamenti i Përgjithshëm

P.nr.3374/18, me datë 10.11.2023

Gjyqtari i vetëm gjykues
Dibran Jusufi

KËSHILLË JURIDIKE: Kundër këtij aktgjykimi, ankesë mund të paraqesin personat e autorizuar brenda tridhjetë (30) ditësh, nga dita e dorëzimit të kopjes së aktgjykimit. Ankesa bëhet përmes kësaj Gjykate, për Gjykatën e Apelit në Prishtinë.